

## Bolsas do Campus Industrial de Ferrol para alumnado estranxeiro que queira cursar nel estudos de máster universitario

### 1. OBXECTO

O Campus Industrial de Ferrol da Universidade da Coruña (UDC) pretende con esta acción incentivar a súa internacionalización, entendida como acción transversal prioritaria que se concreta en fomentar o número de estudantes estranxeiros/as no seu seo, así como o número de colaboracións con entidades internacionais.

O Programa de bolsas do Campus Industrial de Ferrol para estudos de máster universitario diríxese a egresados/as estranxeiros/as que queiran cursar estudos oficiais de máster universitario nas titulacións do Campus Industrial de Ferrol que se indican a continuación:

- Máster universitario en materiais complexos: análise térmica e reoloxía:  
<https://estudos.udc.es/es/study/start/4495v01>
- Máster universitario en deseño, desenvolvemento e comercialización de videoxogos: <https://estudos.udc.es/es/study/detail/4529V01>
- Máster universitario en eficiencia e aproveitamento enerxético:  
<https://estudos.udc.es/es/study/detail/4523V01>
- Máster universitario en enxeñería en deseño industrial:  
<https://estudos.udc.es/es/study/detail/4528V01>
- Máster universitario en enxeñería industrial:  
<https://estudos.udc.es/es/study/detail/4497V02>
- Máster universitario en enxeñería naval e oceánica:  
<https://estudos.udc.es/es/study/detail/4496V02>
- Master universitario en informática industrial e robótica  
<https://estudos.udc.es/es/study/detail/4538V01>

Os obxectivos deste programa son os seguintes:

- a) Potenciar a internacionalización dos másteres oficiais do Campus Industrial de Ferrol.
- b) Facilitar o acceso de estudantado estranxeiro a másteres universitarios adaptados ao espazo europeo de educación superior (EEES) do Campus Industrial de Ferrol.
- c) Contribuír ao desenvolvemento da calidade dos estudos de posgrao fomentando a mobilidade do estudantado universitario.

### 2. FINANCIAMENTO

Este programa oferta un total de sete bolsas. Cada unha destas bolsas estará destinada ao financiamento da matrícula e os gastos de viaxe e estadia para alumnado estranxeiro que queira cursar algún dos másteres do Campus Industrial de Ferrol arriba sinalados.

A concesión dunha destas bolsas exime as persoas beneficiarias do pagamento do importe da matrícula (60 créditos ECTS como máximo). O pagamento das taxas de secretaría (taxa de apertura de expediente, taxa de expedición de título e seguro) correrá pola súa conta.

Ademais, todas as bolsas inclúen:

- a) un importe destinado a sufragar gastos de viaxe cuxa contía máxima varía segundo o país de procedencia (véxase a táboa ao final deste apartado);
- b) e un importe destinado a sufragar gastos de estadía (manutención e aloxamento) no lugar onde se estea a cursar presencialmente o correspondente máster de 600 €/mes durante un período de nove meses, que se poderá ampliar a once meses no caso de ser necesario permanecer para os efectos de avaliación.

A contía máxima da bolsa es de 10 200 €.

Durante a súa estadía, os/as bolseiros/as contarán co apoio e o asesoramento técnico da Oficina do Campus Industrial, como ente encargado da xestión do Programa de bolsas do Campus Industrial de Ferrol para estudos de máster universitario, co fin de de que encontren na UDC o ambiente adecuado para aproveitar con todas as garantías a realización do máster que cursen.

A dotación deste programa irá con cargo á partida orzamentaria 0900 44 F300 541A 640.00.16.

A contía destinada a sufragar os gastos de viaxe variará en función do país de orixe segundo a táboa que figura a continuación, e en ningún caso será superior aos gastos debidamente xustificadas:

Axuda de viaxe segundo a procedencia	Importe máximo
Portugal	400 €
Escandinavia, Polonia, Romanía, Hungría, Bulgaria, Turquía e países europeos ao leste destes últimos	1000 €
Resto de países de Europa e países do norte de África	800 €
América	1500 €
Asia, Oceanía, África Sur	1700 €

### 3. PERFIL DAS PERSOAS SOLICITANTES

A convocatoria está aberta a todos/as aqueles/as egresados/as estranxeiros/as que estean interesados/as en cursar as titulacións de máster universitario do Campus Industrial de Ferrol indicadas anteriormente durante o curso académico 2022/23, e que cumpran os seguintes requisitos:

- a) Ter nacionalidade estranxeira.
- b) Ter cursada a titulación previa nunha área de coñecemento afín ao máster solicitado.
- c) Estar en posesión dun título dunha universidade estranxeira que faculte no país expedidor para acceder a estudos de máster. Así mesmo, poderán acceder a unha bolsa as persoas tituladas conforme sistemas educativos alleos ao EEES, sen necesidade de homologar os seus títulos, tras comprobar a UDC que as persoas solicitantes acreditan un nivel de formación equivalente aos correspondentes títulos universitarios españois e que faculta no país expedidor do título para o acceso ás ensinanzas de máster.

Os/as aspirantes poderán sinalar, por orde de preferencia, até dous másteres do seu interese.

#### 4. PRESENTACIÓN DE SOLICITUDES

A presentación de solicitudes realizarase no primeiro prazo estipulado para a preinscrición nos másteres universitarios da UDC a través do [correspondente formulario en liña](#).

<https://matricula.udc.es/preinsMaster/identif.asp>

A posibilidade de realizar unha solicitude de bolsa nos seguintes prazos de preinscrición estará supeditada a que nos anteriores prazos non fose outorgada a totalidade das bolsas recollidas nesta convocatoria.

Asemade, **dentro do correspondente prazo de preinscrición**, será necesario enviar ao correo electrónico [internacionalizacion.campus.industrial@udc.gal](mailto:internacionalizacion.campus.industrial@udc.gal) a seguinte documentación:

- a) Currículum vitae.
- b) Carta de motivación persoal para a realización do máster.
- c) Poderá achegarse tamén aval e proxecto formativo dun/dunha investigador/a do Campus Industrial de Ferrol, no caso de que a persoa solicitante manifieste interese en realizar unha tese de doutoramento neste campus tras o máster.

As solicitudes tamén poderán presentarse en calquera dos rexistros que indica o artigo 16 da Lei 39/2015, do 1 de outubro, do procedemento administrativo común das administracións públicas.

As solicitudes que se presenten por procedementos distintos dos previamente especificados resultarán excluídas.

A concesión da bolsa quedará condicionada á efectiva matrícula no máster para o que se concedeu.

Para os efectos do proceso de avaliación, só se terá en conta a información contida na documentación proporcionada na data de peche do prazo de preinscrición correspondente.

#### 5. SELECCIÓN

As bolsas serán concedidas, segundo os requisitos formulados nesta convocatoria, por unha comisión composta polas seguintes persoas:

- a) María Jesús Movilla Fernández, vicerreitora do Campus de Ferrol e Responsabilidade Social
- b) Ana Isabel Ares Pernas, directora do Campus Industrial de Ferrol
- c) Un/unha técnico/a de Internacionalización do Campus Industrial de Ferrol
- d) Andrés Piñón Pazos, coordinador de la Comisión de Docencia

A Comisión de Selección terá en conta os seguintes criterios:

- a) Priorizaranse aquelas solicitudes dirixidas a másteres que tivesen unha matrícula inferior a vinte alumnos no curso 2021/22.
- b) Non se poderán conceder máis de tres bolsas por máster, a menos que non haxa solicitudes suficientes para outros másteres.

- c) Darase preferencia a aquelas solicitudes que contén cun aval dun/dunha investigador/a adscrito/a ao Campus Industrial de Ferrol e que lle poida dar continuidade ao proxecto formativo da persoa beneficiaria, no caso de que queira realizar unha tese de doutoramento neste campus.
- d) Valoración do expediente académico e do currículum vitae.
- e) Beneficios do curso para o/a estudante solicitante e/ou para a súa institución de orixe.
- f) A bolsa será concedida para un máster en concreto de entre os elixidos polo/a solicitante. O/a bolseiro/a non poderá utilizar a bolsa para cursar outro máster diferente daquel para o que lle foi concedida.

## 6. RESOLUCIÓN E PUBLICACIÓN

Unha vez finalizado o prazo de prescrición en cada un dos másteres, analizaranse as solicitudes e publicaranse na sede electrónica da UDC as relacións provisionais de persoas admitidas e excluídas, xunto coa causa da exclusión.

As persoas beneficiarias da bolsa recibirán unha comunicación individual no enderezo de correo electrónico que indicasen na solicitude. Disporán dun prazo de cinco días hábiles para presentar calquera reclamación e/ou achegar a documentación requirida.

Ademais da dos/as sete bolseiros/as seleccionados/as, elaborárase unha lista de suplentes para cubrir as posibles vacantes ou renuncias que poidan producirse ao longo do procedemento. A ordenación das persoas suplentes farase segundo os mesmos criterios de selección.

O procedemento de pagamento será o estipulado no apartado 10.

## 7. DEBERES DAS PERSOAS BENEFICIARIAS

- a) A persoa beneficiaria comprométese a cumprir as normas e os deberes específicos establecidos nesta convocatoria, así como a remitir á Oficina do Campus Industrial a información que lle sexa requirida en relación coa bolsa.
- b) Enviar á Oficina do Campus Industrial ([internacionalizacion.campus.industrial@udc.gal](mailto:internacionalizacion.campus.industrial@udc.gal)) o documento de aceptación da bolsa e das condicións desta (anexo I).
- c) Enviar á Oficina do Campus Industrial unha copia da preinscrición no máster realizada de acordo coa normativa da UDC.
- d) Formalizar a correspondente matrícula na UDC en estudos oficiais de máster universitario do Campus Industrial de Ferrol no curso 2022/23, atendendo ao procedemento e aos prazos regulamentarios establecidos.
- e) Ocuparse persoalmente de realizar todos os trámites necesarios para conseguir o visado de entrada a España, así como, de ser o caso, para legalizar toda a documentación necesaria para constituír o seu expediente académico.
- f) As persoas bolseiras están obrigadas a realizar as actividades previstas nos programas de formación e cumprir os obxectivos destes, polo que deberán superar as probas correspondentes ás materias e os créditos en que se matriculen.
- g) As persoas bolseiras están obrigadas a comunicar á Oficina do Campus Industrial a súa renuncia á bolsa tan axiña como se produza a causa que a determine.

As bolsas concederanse a tempo completo. En caso de renuncia ou incumprimento das súas obrigas, a persoa bolsreira deberá reintegrar as cantidades xa percibidas, xunto cos intereses de mora que correspondan, salvo en casos excepcionais autorizados pola Vicerreitoría do Campus de Ferrol e Responsabilidade Social, logo do informe da dirección do Campus Industrial.

Considérase un caso excepcional aquel en que a persoa beneficiaria queira obter unha dobre titulación e realice o seu traballo de fin de máster noutra universidade, sempre e cando esa posibilidade estea formulada no plan formativo do máster. En todo caso, a persoa beneficiaria comprométese a presentar o título de máster unha vez rematado. De non facelo, deberá reintegrar as cantidades xa percibidas.

A concesión dunha destas bolsas non establecerá ningunha relación contractual ou estatutaria coa UDC nin implicará ningún compromiso en canto á posterior incorporación ao seu cadro de persoal.

## 8. INCOMPATIBILIDADES

Estas bolsas son incompatibles con:

a) outras bolsas ou axudas financiadas con fondos públicos ou privados, así como con salarios que impliquen calquera vinculación contractual ou estatutaria da persoa bolsreira, ou con calquera tipo de ingresos como consecuencia da prestación de servizos profesionais ou a realización dun traballo remunerado que supoña a obtención de ganancias superiores no seu importe ao 30 % do salario mínimo interprofesional español no curso académico;

b) as axudas destinadas a cubrir accións formativas no marco de programas de intercambio internacional.

Serán compatibles coas prácticas remuneradas, sempre que estas se integren no plan de estudos do máster.

## 9. ACEPTACIÓN E RENUNCIA

As persoas bolsreiras comprométese a cumprir todas as condicións recollidas nesta convocatoria mediante a presentación dos documentos que figuran a seguir, que deberán entregar na Oficina do Campus Industrial, segundo se indique na resolución definitiva, no prazo de sete días hábiles, que contarán a partir do día hábil seguinte ao da publicación da resolución coa lista definitiva:

a) Aceptación ou renuncia da bolsa (anexo I).

b) Declaración xurada conforme non teñen concedidas outras bolsas ou axudas financiadas con fondos públicos ou privados para o mesmo fin, ou que sexan incompatibles, así como salarios que impliquen a súa vinculación contractual ou estatutaria, ou calquera tipo de ingreso pola prestación de servizos profesionais ou a realización de traballo remunerado que supoña a obtención de ganancias superiores no seu importe ao 30 % do salario mínimo interprofesional español no curso académico (anexo III).

## 10. PAGAMENTO

O pagamento do importe da bolsa (estadía e gastos de viaxe) realizarao a UDC mediante transferencia a unha conta bancaria europea en que a persoa beneficiaria figure como titular, coas retencións correspondentes.

A persoa beneficiaria deberá enviar ao correo [internacionalizacion.campus.industrial@udc.gal](mailto:internacionalizacion.campus.industrial@udc.gal), no

**prazo de 5 días hábiles** desde a súa chegada ao destino en que inicie os estudos, os seguintes documentos:

- a) Xustificante bancario do número de conta europea
- b) Copia do pasaporte
- c) [Impreso de alta de terceiros](#)

[https://www.udc.es/export/sites/udc/gobierno/\\_galeria\\_down/xerencia/servizos/xestion\\_financiera/CIRCULAR\\_1.2010\\_anexo\\_I\\_-\\_galego.pdf\\_2063069239.pdf](https://www.udc.es/export/sites/udc/gobierno/_galeria_down/xerencia/servizos/xestion_financiera/CIRCULAR_1.2010_anexo_I_-_galego.pdf_2063069239.pdf)

O pagamento dos importes correspondentes (estadía e viaxe) farase en varios aboamentos:

- a) Primeiro pagamento. Unha vez acreditada a matrícula no máster e logo da xustificación dos gastos de viaxe, procederase ao pagamento dos importes correspondentes á viaxe e a primeira contía correspondente a manutención e aloxamento.
- b) Mensualmente a contía da bolsa destinada aos gastos de manutención e aloxamento recollida no apartado 2, salvo informe desfavorable do/a coordinador/a do máster.

En ningún caso se pagará o importe da bolsa (estadía) correspondente ao período que poida mediar entre o comezo do curso académico e o desprazamento do/a bolseiro/a ao lugar de destino para realizar os estudos correspondentes.

## 11. INCUMPRIMENTOS

A eventual ocultación ou o falseamento de datos, ben como o incumprimento total ou parcial dos requisitos e obrigas establecidos nesta resolución e nas demais normas aplicables, ou das condicións que, de ser o caso, se establezan nas correspondentes resolucións de concesión, darán lugar á revogación da bolsa, o que comportará o reintegro das cantidades percibidas na súa totalidade.

## 12. PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos ou RXPDP), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), informámolo/a de que os datos que a persoa interesada facilite mediante a concorrencia a esta convocatoria serán tratados baixo a responsabilidade da Universidade da Coruña (UDC), cos seguintes datos de contacto: rúa da Maestranza 9, 15001 A Coruña, teléfono 981 167 000, correo electrónico [secretariaxeral@udc.gal](mailto:secretariaxeral@udc.gal).

Mediante a concorrencia a esta convocatoria, a persoa interesada consente expresamente a publicación dos seus datos na resolución da solicitude nos taboleiros físicos da UDC e dentro do taboleiro electrónico oficial da sede electrónica da UDC, na forma prevista na disposición adicional sétima da LOPD. A resolución desta convocatoria permanecerá publicada en tales taboleiros. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos recollidos na LOPD.

A persoa interesada consente o tratamento dos datos para os efectos de cumprir coa finalidade

descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, a rectificación ou a supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos.

Tales dereitos poderá exercelos mediante solicitude remitida ao seguinte enderezo: Secretaría Xeral, Reitoría da UDC, rúa da Maestranza 9, 15001 A Coruña, ou ben ao correo electrónico [secretariaxeral@udc.gal](mailto:secretariaxeral@udc.gal), coa referencia «Protección de datos», a través dun escrito asinado para o efecto co cal achegará unha fotocopia do seu DNI. Igualmente poderá dirixir esta solicitude directamente á persoa que sexa a delegada de Protección de Datos, ao mesmo enderezo postal antes indicado, ou ao correo electrónico [dpd@udc.gal](mailto:dpd@udc.gal).

Así mesmo, ten dereito a presentar unha reclamación ante a Axencia Española de Protección de Datos (AEPD).

A vicerreitora do Campus de Ferrol e Responsabilidade Social  
María Jesús Movilla Fernández

## Anexo I. Aceptación ou renuncia

Nome e apelidos:

.....  
.....

DNI

.....

Enderezo:

.....

Localidade: ..... CP:

.....

Provincia: ..... Teléfono:

.....

Correo electrónico da UDC:

.....

ACEPTO a bolsa (documentación que se achega: anexo II, declaración responsable)

RENUNCIO á bolsa polo seguinte motivo:

.....  
.....

**Lugar, data e sinatura:**

**Asdo.:**

.....

**Vicerreitoría do Campus de Ferrol e Responsabilidade Social  
Campus Industrial de Ferrol. Universidade da Coruña**



## Anexo II. Declaración responsable

Nome e apelidos:

.....  
.....

DNI

.....

Declaro baixo a miña responsabilidade que non teño concedidas outras bolsas ou axudas financiadas con fondos públicos ou privados para o mesmo fin, ou que sexan incompatibles, así como que non obtiven salarios que impliquen calquera vinculación contractual ou estatutaria, ou calquera tipo de ingresos que supoñan a obtención de ganancias superiores no seu importe ao 30 % do salario mínimo interprofesional no curso académico.

Lugar, data e sinatura:

Asdo.:

.....

Vicerreitoría do Campus de Ferrol e Responsabilidade Social  
Campus Industrial de Ferrol. Universidade da Coruña